

RUDOLF B. KOCK

autor di “E gulido golos”

Rudolf Kock nunca no tabata tin e intencion di scirbi buki pa mucha. “Semper ta mi casa tabata conoci pa scirbi, ami ta gusta scirbi rima pa hende, nunca mi a yega di scirbi buki of poesia”, e ta bisanos. Tur aña su casa ta wordo invita pa bai conta storia durante e siman di Festival di Buki, pa inspira y stimula e muchanan. Algun aña pasa, su casa a pidie pa e scirbi un storia pa e bai conta na biblioteca. “Mi casa a bisami cu mi ta scirbi masha bon, y e ora mi a dicidi di purba”, Rudolf ta conta nos. E storia ta basa ariba e bida di animalnan den e mondi di Aruba. Rudolf a purba hinca mayoria parha y matanan di Aruba den su storia. Rudolf su famia ta masha uni y nan tabata masha anima cu su storia. “E reaccion di publico mes a bin despues cu su casa Belen a lesa e buki na bibliotheek, y nan a puntre despues na unda nan por cumpra e buki”, e ta contanos. E ilustracion cu ta aparece den e buki ta di su yiu Richie, y e buki, di tremendo calidad por cierto, ta imprimi na Hulanda. E buki aki ta apto pa muchanan di 4de te cu 6de klas di Cyclo Basico. E buki aki ta bende pa AWG 25,-, pasobra Rudolf ta di opinion cu buki no mester wordo bendi na prijs mucho halto, asina mas hende ta haya e oportunidad di cumpra. Nos por spera mas buki for di Rudolf den futuro? “Ya mi sa e tema di e aña aki caba, awor mi mester bai pensa e storia.... ban wak kico ta pasa”. Nos ta kaweta pa haya sa.

